

## Biakna Limsaklouna... Nungtolh Chiamtehna khat ahi

Jamson

**H**un paisate ah leng biakna limsakloun akhokdan ina taklangta uh. Tuni'n leng saulou I taklang nawn diing. Biakna ngaikhok a limsak diingte I hi uh chih I theih chiat. Khenkhatte bang a biakkhonnate topsan mailou diing in hasot in I om uhi (Hebrute 10:25). Tuabang a hasot a I omlai in I lak uah biakna limsakna dau deuhdeuh hi a theih in om a, I pianthak tung a I biakna limsakna leh ngaihnatnate in kiamlam nawt hiaihai hi a theih in om a poi mahmah. Hiai tuh thil khok leh patauhhuai khat ahi.

**Tuni'a I theih ngeingei diing ua ka deihi ahileh biakna limsaklouna tuh nungtolh chiamtehna (sign) khat ahi chih ahi.** Kuapeuh in I pianthak tung, huai tuh I sia leh pha theihna siansak a a-om khit phet in (1 Peter 3:21) unaute toh kithuahkhawm a biakkhawmnate kingaina chiat a, kilop huai leng kisa in nuam kisa chiat hi. [Pianthak tung nangawn a I huchih keileh bel asam khat om hi kha diing]. Himahleh hun leh kumte ahong pai dungzui in huai kilopna pen hong dau hiaihai mawk hi. Huai tuh nungtolh I hi chih chiamtehna hohtak ahi.

Unaute toh kithuahkhawmna no'n ngaihdao a, biakkhawmnate non limsakloun hun Chiang in a nungtolh na hi chih kiphok in. Khris a na unaute sang a pawlam mite na ngaihnat zawk a, thil houh chikchik ziak lel khong a biakna non thulh hun Chiang in, tu inla kingiahsun thak in. Malam nawt hilou a anungtolh pan na hita. Awl awl a kilam a na kilap mang ma in khanloh sawm in.

Sawltak Paul in *"nunglam a omte mangngilh in malam a ompen ka delh ahi"* (Philipite 3:13) a chih bang in nunglam manoh diingte hilou in ***"Eite zaw mangthang diing a nungtolh pawl a pang I hikei ua; hinna humbit diing a ginna nei pawl a pang I hizaw uhi"*** (Hebrute 10:39). Hinapi inlah, nungtolh pawl lak a simtel khak dia I om hun uh atam theih mahmah. Mangthang diing a nungtolh pawl a pang I hihlouna diing un unaute ngaina in unaute toh kithuahkhawmnate awlmoh a neih in limsak thak ni.

Mangthang diing a nungtolh pawl a ana panglou nungzui masate hinkhua ngaihsun thak dih!. Ana kingaina thei mahmah ua, a thil neihte nangawn uh ana kikop hial uhi (Nasepte 4:32). Thaitira khua a Lydia

bang in unaute ngaina petmah in a inn a tung diing in ana chial ngutngut hi. Unaute ngaina lua ahiman in *"Toupa a ginom a non seh uleh ka inn ah hongtung un"* (Nasepte 16:15) chi'n unaute a inn a tung diing in ana chial hi. *"Huan, niteng in, lunsim munkhat in, Pathian biakin ah phatuamngaitak in a om zelzel ua, a innte uah leng tanghou balkham in, nuam leh lungkim in, a ann uh a nezel uhi"* (Nasepte 2:46).

Sam gelhtu'n *"Toupa inn ah hoh ni, ka kiang a achihlai un ka kipak hi"* (Sam 122:1) ana chi hi. Huan, Sawltak Paul in *"Kituahna diing leh kihihat tuahna diing thilte I delh diing uh"* (Romte 14:19) ana chih bang in khat leh khat kihihat tuahna dia biakkhawmnate I delh chiat diing ahi. Huan, Hebru laikhak gelhtu'n *"Tuni a chih lai un niteng in kihanthawn tuah zaw un"* (Hebrute 3:13) chi'n khat leh khat kihanthawn tuah diing in ahon chi hi. Huaiziak in khat leh khat kihanthawn tuahna dia Pathian in platform ahon bawlsakna, unaute toh kithuah a biakkhawmna munte I limsak mahmah diing uh. Huchilou inzaw I nungtolh kha mahmah diing uh. Hiai bang a unaute toh kithuahkhawm a khat leh khat kihanthawn tuahna limsaklouna tuh nungtolhna chiamtehna hoih mahmah khat ahi chih theih kawm in kuapeuh kivel thak ni. Pathian in lah nungtolh mi ah kipahna himhim a nei ngal kei a.

Laisiangthou in hichi'n a chi, *"Pathian deihlam na hihnung un thilchiam na muhtheihna diing un kuhkalna na kiphamoh uhi. Sawtlou nungchiang a hongpai diingpa, hongpai diing ahi, sawt a hal kei diing hi. Tuin ka mi diktat tuh ginna in a hing diing: **a nungtolh leh bel ka kha in amah ah kipahna a neikei diing** chih ahi ngal a. Himahleh **eite zaw mangthang diing a nungtolh pawl a pang I hikei ua; hinna humbit diing a ginna nei pawl a pang I hizaw uhi**"* (Hebrute 10:36-39).

PLACE OF WORSHIP  
Yusuf Sadan, Secred Heart  
Cathedral, Ashoka Road,  
Delhi - 110001  
Phone No. 9953968807  
website : www.cocdelhi.org

'KHRIS' SUANGPHUM, A WEEKLY BULLETIN FOR  
THE MEMBERS OF THE CHURCH OF CHRIST, DELHI,  
ON THE FIRST DAY OF THE WEEK'

Enkaitu : Jamson Guite

**BIBLE CLASS**  
**Class**            **Teacher**  
Adult            : James, Siamkhanmuan  
Inter.            : Biakmang & Jamson  
Junior            : Minlun & Chiinpi  
Primary          : Vungngaihkim & Suanlian  
Beginner        : Chingkhanlun & Rosely

**TOUPA NI'  
THILPIAK**

**Date 16.06.2024 ₹ 45,842 /-**

**THOUGHT OF THE WEEK**

**"Eite zaw mangthang diing a nungtolh pawl a pang l hikei ua;  
hinna humbit diing a ginna nei pawl a pang l hizaw uhi"  
(Hebrute 10:39)**

THU TUAMTUAM

THU TUAMTUAM

**Biakna Hunzeek**

Toupa' Ni

Date 23.06.2024

Hun-uk thumna : Lang James  
Lapi                : Pauminlun  
Thilpiak            : Seilenmang  
Theihgigena       : Amjangthang  
Thugen             : Jamson  
Thumna            : Khamminthang

**Midweek online Bible Class**

Date 26.06.2024

Thumna            : John Mung  
Sinsaktu           : Chuck Horner  
Thumna            : Kammuanlal

**Kiginni**

Date 29.06.2024

Hun-uk thumna : Kamkhenthang  
Lapi                : Jamson  
Thugen             : Lamsuanmung  
Thumna            : Dongkhanlian

**Toupa' Ni**

Date 30.06.2024

Hun-uk thumna : Kamkhenthang  
Lapi                : Jamson  
Thilpiak            : Lamsuanmung  
Theihgigena       : Jangminthang  
Thugen             : Lang James  
Thumna            : Thongginlian

**TUKAL DIING HITA**

❖ Tukum workplan a ina gelhtelte lak a khat sofa sinna neih hun diing hongtung petmah diing hita. Tukul ningani a kipan diing hita. Tamtak in tel thei diing in min pia. A ziak thupilua om hikhollou napi a abukim a tel ana sawmlou bang i omleh abul apan a tawptan tel din kisak thak ni. Hiai bang hunlem hong om nawn khollou kha diing ahi. Huan, Saptuam program ahihman in ngaikhok ni.

**HONGTUNG KIKTA UH**

❖ Nipi hun awl zang diing a Lamka lam a pai unaupa Jamson-te innkuan kal paita sepnawnni in damtak in Delhi hongtung kikhawnta uh.

❖ Tuabang mah in unaupa Kam-muanlal-te innkuan leng Lamka a nipi kal thum vel ava om nung un kal paita nilaini in damtak in Delhi hongtung kikhawnta uh. Amau leng nipi hun nuam zang diing a Lamka lam a pai ahi uh.

❖ Guwahati leh Shillong lam a zinkhia unaunu Chingkhanlun-te innkuan leng kal paita sung in damtak in Delhi hong kilehkik nawnta uh.

**A SINKHA ATKHIA**

❖ Unaunu Sara Ngaihlian a sinkha a suang a om doctor in a kin theilam a atkhiak hoih diing a chih ziak in kal paita sepnawnni in ana atkhia hi. Lohchingtak in ana atkhia thei ua, kal paita nilaini in damdawi inn apan pawtsak in ana omta. Dam siangna hoihtak ahon neihpah i lamen uh.

**SUUNNA**

❖ Lamka a om unaunu Luankhozam (unp. Thanglianmang pi) in kal masa kiginni nitaklam in migiloute khut lum ziak in honna sihsan hi. A nut-siat a innkuante i thuakpih uh.

**ANA NGAPLOU**

❖ Unaupa Thangliankehup tyhoid natna ziak in ngaplou in ana om hi. In-nmun a kienkol in Typhoid damdawi ni nga sung zing leh nitak in ana kikhai a, tun ahihleh Pathian panpihna toh damsangta hi. Kipahhuai lua.

**A ZI KI-AT DIING ZIAK IN**

❖ Unaupa Thanglianmang a zi un-aunu Sara Ngaihlian ki-at diing ziak in kin leh buang in suti hong pai a tun ilak uah omleh hi. Kal khat vel omthelal diing hi'n kigen hi.

**DEHRADUN LAM AH**

❖ Kal paita sintawpni in unaupa Siamkhanmuan sepna vai toh kisai in Dehradun lam ah ana zinkhia hi.

**VA ENKHIA UH**

❖ Kal nawn chiang a sofa zilna mun diing unau makaite'n zan in va enkhia uh. Bangkim hon saifeltak uh lamet ahi. Ngaklah huai mahmahta.

**GALNA SUM KHAK HITA**

❖ Zanolam zek a honna omlouhsan Nepal a evangelist sem unaupa Chandra mimal in galna i piakte uh a innkuante kiang a khak hita hi.

**Kipah Thu Genna**

Delhi a om Unaute'n, ka pa uh (L) Chandra in hon omlouhsan na hon thuakpih a, itna thupitak toh na galna uh sum uh Rs.11000 tak kana mu ua, Ka tung ua na itna uh nasep a na hon lat-sak uh manpha in thupi lua hi. Na hoihna u leh na kithuahpihnate uh ziak in hampaha kakisa ua ka kipak petmah uhi. Toupa'n na tung uah vualzawlina kiningching tak in hon vuk hen.

Na unau it uh,  
Indira leh atate,  
Krist saptuam Dudamari, Nepal